

重訂驗方新編

李繼芳

重訂驗方新編卷之十二

急救

凡自刎縊死溺死及一切自盡等症人多畏懼不救亦有以為已死不能復活者不知救治得法

亦可回生救得一人可全兩家性命後列各方果能如法施治必有奇效即使萬無生理亦當盡人事

以聽天命不可見死而不救也

○五絕

凡五絕卒死急救取韭菜搗汁灌鼻中或加皂角末麝香同

灌更為快捷

○吊死

回生丹見後跌打損傷門灌之立活真仙丹也 又方不可割斷繩索急以

衣裏手緊抵竈門若係婦女則連陰戶抵住緩緩抱住解下安被放倒急將所吊繩索用碗裝好用火

蒸之其活更快一人踏其兩肩以手緊提其髮不可使頭垂下一人微微撻整喉嚨一人擦按心胸又

輕輕摩其肚腹一人摩擦手足緩緩灣動若已硬直但漸漸強彎屈之又用腳裏衣緊抵竈門陰戶不

使洩氣以兩人用竹管吹其兩耳不可住口或用雞冠血滴鼻中男左女右男用雄雞女用雌雞如此

一飯之久即有氣從口出不可鬆手少頃以淡薑湯或清粥與食令潤咽喉漸漸能動乃止凡吊死從

早至晚雖已冷可活自夜至早稍覺難救總之身體稍軟心下微溫者雖一日以上若依此救法多吹

多摸無不生者勿謂已冷忽畧不救

又方照前法救治再將其兩手大拇指並排平正以小帶縛定

於兩指縫中離指甲角一分半之處名鬼哭穴用艾火燒三七次並燒兩腳心三次即活凡無故中邪

而自縊者以多燒鬼哭穴為要

又方炒熟生鹽二大包從頸喉熨至臍下冷則隨換不可住手其痰

盡下並用人對口以氣灌之其活更快

又方用皂角細辛等分為末如豆少許吹兩鼻孔 又方用

真野山羊血二三分研極細以好酒灌下立活

○溺水死 撈起時急急將口撬開橫啣筷子一根

使可出水以竹管吹其兩耳碾生半夏末如豆大吹其鼻孔又用皂角末置管中吹其穀道如係夏月

將溺人肚腹橫覆牛背之上兩邊使人扶住牽牛緩緩而行腹中之水自然從口中並大小便流出再

用生薑湯調蘇合丸灌之或生薑汁灌之並用生薑擦牙若無牛用一人覆卧躬腰令溺人如前將肚腹橫覆於生人身上令活人微微搖動水亦可出或用大鍋一口覆寬凳上將溺人覆於鍋上亦可要將溺人臍對鍋臍俯卧手托其頭如係冬月急將溼衣更換一面炒鹽用布包熨臍一面厚鋪被褥取竈內草灰多多鋪於被褥之上令溺人覆卧於上臍下墊以棉枕一個仍將草灰將渾身厚蓋之灰上再加被褥不可使灰隄於眼內掩其口啣箸灌蘇合丸生薑湯吹耳鼻穀道等事俱照夏天法冬天甦醒後宜少飲湯酒夏天宜少飲粥湯按灰性煖而能拔水凡蒼蠅溺水死者以灰埋之少頃即活此明驗也溺人倘或微笑急欲掩其口鼻若不掩住則笑不可止不能救矣又不可急於見火一見必大笑而死又以酒罈一個紙片一把燒放罈內急以罈口覆臍上冷即燒紙片放罈內覆臍去水即生又初救起時尚有微氣或胸前尚煖速令生人脫貼身熟衣為之更換抱攬身上將溺人微倒側之令其腹內水流若水往外流即有生機一面用粗紙燒燃取烟薰其鼻竅稍熏片時即用皂角研細末吹入鼻竅但得微有噴嚏即可得生又灌酒湯不可太熱恐傷齒盡落又方先打壁泥一堵置地上以溺人仰卧其上更以壁土覆之止露口眼自然水氣噴入泥間其人遂甦雖身僵氣絕用此法亦可救又醋灌鼻中綿裹石灰納鼻門及陰戶水即出又方鴨血灌之即生終身戒食鵝鴨○割喉腹破腸出均見卷十三跌打損傷門○服毒方見後解救諸毒門○凍死冬月凍極之人雖人事不知但胸前有微溫皆可救倘或微笑必為急掩其口鼻如不掩則笑而不止不可救矣切不可驟令近火但一見火則必大笑而死凍死四股直口噤有微氣者用生半夏末如葶大少許入耳鼻內又用大鍋炒灰布包熨心腹上冷則換之候自開以溫酒及清粥少少與之不可太熱恐傷齒盡落如已救活用生薑搗碎陳皮搥碎各等分用水三碗煎一碗溫服○壓死跌死急扶起盤脚坐地

以手提其髮將生半夏末約荳大吹入鼻中以生薑汁灌之只要心頭微溫雖至一日亦活再用白糖調水與服散其瘀血或加童便灌之 又方回生丹見後跌打損傷門灌之立活真仙丹也 ○雷擊

死 蚯蚓又名地龍又名曲鱗搗融敷臍上半日即生仍禱謝雷神虔心懺悔或用回生丹見後跌打

損傷門灌之亦可活也須戒殺生 ○睡魔死與中邪死鬼打死各方參看 原有燈即存燈無燈切

不可用燈照急用生半夏末約一荳大吹入兩鼻取母雞冠血搽面 乾則再搽即醒 又方樟木燒

煙薰之即醒 又方不得用燈火照並不得近前急喚但痛咬其足跟及足大拇趾頻頻呼其名以口

水唾其面再灌薑湯必活 又方移動些小臥處徐徐喚之即醒又用管吹其兩耳以皂角末如荳大

許吹兩鼻得噴嚏則氣通三四日者尚可救 又方酒調蘇合丸灌之 又方用艾燒兩足大拇趾向

上生毛處三七次或燒鬼哭穴亦可鬼哭穴見前弔死方內 ○治夢魔 大塊明雄硃砂更妙戴頭

上並繫左腋下可免鬼魅並解惡夢 又方卧時以鞋一仰一覆或以紅氈紅布之類枕頭即安 ○

中邪死 用韭菜心於男左女右鼻內刺入六七寸令目開血出即活或搗韭菜汁灌鼻更視上唇內

如有粟米粒者以針挑破取出或用皂角末或生半夏末如荳大各吹兩鼻中燒炭一爐以陳醋潑炭

上使患者聞得醋氣即活須提其兩手勿令驚或灌醋於鼻中或用樟木燒煙薰之亦可 鬼打死睡

魔死中邪死俱可用此方 白毛烏骨雞血搽心前並將雞煮湯灌之極效 或用雞冠血滴口中仍

破此雞捺心下冷即將雞埋之甚效 ○驚嚇死 回生丹見跌打損傷門灌之立生真仙方也 又

方醅酒一二盃溫熱灌之自活或用生半夏末如荳大吹兩鼻中亦效 ○痰厥死 芭荳搗爛綿紙

包壓取油作熬燒煙薰鼻中片刻吐出痰血即愈或用生半夏末如荳大吹兩鼻中 ○氣厥死 照

上痰厥方治之 ○中風死 方見卷十四中風門或照上痰厥方治之 ○尸厥死 由入廟弔喪

問病而得者 附子七錢重者泡熟去皮臍為末分兩服每服酒三盞煎一盞如無附子生薑汁半盞和酒同煎百滾連灌二服即醒或照上痰厥方治之不妙 ○尸厥死腹響如雷 硫磺一兩焰硝五錢研細分作三服好酒煎至煙起則止溫灌下片時每服即安 ○忽然胡言亂語昏迷跌倒 此症不省人事切勿挪動動則難治急用大爆竹放頭脚兩處一齊點放其人自醒無恙大小皆治屢試如神 ○暴厥死 凡人卒然倒卧急扶入暖室扶住正坐用火炭沃醋使醋氣冲入鼻中良久自醒或搗韭菜汁灌鼻或用皂角末吹鼻得嚏即醒如倉卒無藥急於人中穴及兩足大拇趾離甲一韭菜許各用艾火灸三五次即生

解救諸毒 凡解毒藥俱宜冷用大忌飲熱湯水飲熱則不可救矣若見酒必死 ○解救百毒 乾淨

地上黃土地更好挖三尺深入水一桶用棍攪動名曰地漿能解百毒凡食隔夜菓餅菜蔬茶水酒漿等物或飲田塘澗溪井溝之水誤中無名百毒者取飲數碗極為神效愈後戒食鱸魚 又方巴牆草搗爛煎湯冷服能解百毒屢試屢驗神方 ○中毒七孔流血 刺蝟皮煨存性為末每服三錢酒調

下立止 ○解鴉片煙毒 急用生鴨血多多灌之凡服鴉片者最為神效若身冷氣絕似乎已死如

身體柔軟則臟腑筋絡之氣尚在流通實未死也乃鴉片烈性醉迷之故耳將其人放在潮濕陰地用筷子撬開牙齒或用磁調羹撬開或用烏梅擦之亦開若用銅鐵等物反不能開矣以箸子橫放口內使口常開以冷水時時灌之或白沙糖調冷水灌之更妙外用手帕二三條以冷水泡透放胸前輪流更換或用整塊豆腐亦可又用冷水一盆將頭髮散放盆內時時換水切不可見太陽一見日照即不可救三四日後鴉片之氣散盡即生如身不硬雖七日之內亦可回生切不可以為無救遽行棺殮此法曾救多人無論服毒輕重雖手足青黑照此救法無不生也切忌灌服醬油惡受鹽漬之毒反致誤

事若服藥雜亂亦不能救慎之慎之愈後多服白沙糖水及生菜豈末沖水服最效時道光七八年間廣東省有吳姓者寄居客店窮極無聊吞鴉片煙而死店主人不敢收殮知此人有親屬在三水縣地方遣人往告其親屬四日後始至而此人已於前一日生矣 又有人吞服鴉片煙百藥無效死乩降云當日因用藥雜亂是以不效惟用真南礪砂黃色如膠者為真冷水調服可以立解試之屢有奇驗又方用清油灌之立解緣鴉片烟粘滯腸胃見油即散也 又方巴牆草搗爛煎湯冷服屢試如神

○解砒霜毒即信石也此症如用鴨血治須終身戒食鴨 防風一兩研末冷水調服或用四兩凉水搗汁灌服亦可屢試如神萬無一失 又方殺白鴨取血對口急急灌下即生遲則血冷如已服防風必能回生可以不必服此以免雜亂反致不救

○解野菌毒 照前取地漿水三四碗入喉即生至神至妙切勿輕視亦不必用別藥

○解斷腸草毒此症治好須戒殺生此草有尖圓二種如服尖葉者不過一二日肉即消化急用生羊血灌一二碗即生最有神妙有人以此草放猪尿胞內草自走動胞漸清薄後以羊血灌入即不動矣或用羊油二三兩亦妙此草惟羊食之最肥故飲羊油羊血即解

又方甕菜搥汁灌之其效如神如不見信以甕菜汁灑生斷腸草上草即萎黃而死 又方用抱過雞蛋二三個破開和清油灌入或未抱過雞蛋亦效 又方照後解野葛毒方治之神效

○解黃藤草毒即水莽草或云即斷腸草 黑豇一升煎濃汁候冷透飲之立解或照前解斷腸草毒及後野葛毒方治之均極神效

○解野葛毒 殺鴨白鴨更好取自熱熱血對口急急灌入即生屢試如神切勿灌遲遲則血冷恐難見功終身戒食鴨

解野草毒 照上解斷腸草及解野葛草毒各方治之或飲甘草水或飲地漿見前均效

○水蓼草毒 菜中有水蓼若葉圓而光誤食發狂狀如中風或作嘔吐甘草煎汁冷服即解或飲地漿水亦可

○解鹽漬毒 生豇腐漿冷服二三碗至神至妙如

一時難得，以黃豈搗碎，沖涼水去渣服之。或用生鵝鴨血多多灌之，即解。或食鵝鴨。又方：白沙糖五

六兩，用涼水服，亦效。○解鹼水毒：照上解鹽鹵毒各方治之。○解煤火毒：中煤炭毒，土坑漏火

氣而臭穢者，人受薰蒸，不覺自斃，其屍極軟，與夜卧夢覺不能復覺者相似。房中置水一盆，並使窗戶

有透氣處，則煤炭雖臭，不能為害。飲涼水即解，或蘿蔔搗汁灌口，鼻移向風吹，便醒。○解迷悶藥

飲涼水即解。重則飲藍散汁，立愈。如牙關緊閉，由鼻灌之，亦效。又方：白沙糖調涼水服，更效。○解

百藥毒：凡服藥過多，致生瘡毒、頭腫如斗、唇破流血，或心口脹悶，或肚腹撮痛者，用小黑豈菜豈各

一升，煮濃汁，涼服即解。又方：甘草熬膏，日服數次，解毒如神。雖然泄瀉亦無害也。又方：糯米糖食

之即解。此孫真人方也。或食白沙糖亦效。又方：如已氣絕，只要心間溫暖者，乃是熱物犯之，只用防

風二錢煎水涼服即生。又方：照前解百毒方治之，極效。○解巴豆毒：口渴面赤，五心煩燥，泄痢

不止者，是用黑豆一升，煮汁涼飲即解。又方：川黃連煎水涼服，亦效。○解附子烏頭天雄毒：防

風二錢煎水服，或照前解百毒方治之。○解木鼈毒：身發抖戰者是急，用好肉桂二錢煎服，立愈。

或用香油一盞和白沙糖二兩灌之，亦效。或照前解百毒方治之。○解羌花毒：治法與上附子

毒同。○解狼毒毒：狼毒藥名，服鹽水即解，或照前解百毒方治之。○解硃砂毒：藍靛葉汁飲

之即解。○解冰片毒：服冰片過多，口渴心煩，飲地漿或冷水即解。○解水銀毒：服水銀欲死

者，用真川椒數兩炒熟，鋪席下，令患者脫衣蓋被睡之，過一夜水銀從毛孔中鑽入花椒內矣，真奇方

也。○解鉛粉毒：婦人因打胎而服鉛粉生子，痴呆身體多發瘡毒，用生鵝鴨血乘熱服之，極為神效。

又方：白沙糖三四兩，冷水調服，或用蘿蔔搗汁飲之，均極神效。○解輕粉毒：輕粉性最燥烈，楊梅

等瘡服此，雖易收功，其毒竄入經絡，或口齒腫爛，或筋骨痠痛，攣縮久而潰爛，經年累月，甚至終身不

愈致成殘廢用土茯苓一兩薏米銀花防風木通白鮮皮各一錢木瓜錢半皂莢子四分氣虛加頂上
党參一錢血虛加當歸七分煎服日服三次忌飲茶並牛羊雞鵝魚肉燒酒麵食辣椒及一切發物並
謹戒房事半年服至十日漸次痊愈功效異常 又方紅棗凡見癰毒諸症楊梅瘡內服之最為神效

○解斑貓毒

黑荳一升煮濃汁冷飲即解

又方涼水調六一散七錢服二三次必痛止而愈

又方玉簪花根煎水冷服即解

又方照前解百毒方治之

○解硫磺毒 方內生羊血為解硫磺

神藥愈後須戒殺生並戒食羊為要

用真烏梅肉焙乾一兩烏梅有李子假充者以家製為真白沙

糖五錢煎服

又方白羊生熟血飲一碗神效

又方黑鉛二兩煎服即解

又方防風二錢煎水冷

服即效

○解花椒毒

口吐白沫身冷氣欲絕者是照前解百毒方治即愈 ○解食桐油 急飲

熱酒即解

又方蓬蓬煎水服甚效

又方糯米蒸熟曬乾炒泡食之

○解食蛇毒

烟油又名熟

烟尿即烟桿中烟氣結成如醬者是烟桿以用過多年者為佳用冷水洗出二三碗飲之凡受蛇毒飲

之其味必甜並不難飲屢試如神或蛇遺毒在食內亦效

又方雄黃調水冷服效 又方照前解野

葛方治之

又方蜈蚣一條焙枯研末冷水調服一服即解如恐蜈蚣有毒過一二日後照後解蜈蚣

毒各方治之決無後患

○解蜈蚣毒

凡誤食蜈蚣毒者用樟樹葉煎水涼服極效 又方十指甲

磨涼水多飲之其效無比

○蜈蚣入腹

生雞血灌之甚效

又方食生雞蛋二三個畧過半刻再

飲生油一杯即吐出絕妙方也

○解各蟲毒

照前野葛方治之極效 ○解沙蟲水毒 萬苣菜即

萬苣葉搗汁飲之即解

又方照前解百毒方治之

○解螞蝗毒又名水蛭此物入腹久必生子食

人肝血腹痛不能忍面目黃瘦不治必死用桂圓肉荔枝肉亦效包烟油煙油查上解蛇毒方便知吞

之必死隨於大便而出屢試如神此經驗第一方也

又方用白蜜頻頻食之至一二斤方愈螞蝗火

燒為末見水即生惟以蜜浸之即化為水故服蜜最佳以多為妙少則不效如食蜜不愈即食羊肉能化如不信將螞蝗入羊肉內亦化為水白蜜體虛人切莫多服不如第一方之妙 又方田中泥一兩雄黃二錢為丸分作四服開水下其蟲入泥隨大便而出有時螞蝗行至鼻孔血流不止只用田泥泡水一碗放鼻孔前必熱乘泥而下 ○解河豚魚毒 槐花微炒與乾胭脂等分同搗成粉冷水調服極效 又方多食橄欖並用橄欖核磨水服極效 ○解各色魚毒 紫蘇煎濃汁冷服極效以多為妙 又方多食橄欖真麻油一二杯飲之亦效 又方食魚過多腹脹面黃者用紅麴三合煮爛連渣服即從大便出臭不可聞連服三次愈 ○解食蠶毒 又名甲魚水魚脚魚團魚飲藍散汁即解 又方冷水調鹽服之亦效 又方白馬尿飲之即解蠶與莧菜同食者此方尤妙 ○解蝦蟆毒 又名青蛙又名田雞又名水雞 照上蠶毒各方治之 ○解黃白蟬毒 照上蠶毒各方治之 又方生螃蟹搗融沖冷水飲之極驗 ○解螃蟹毒 紫蘇煎濃汁冷服一二碗即解生藕汁生大蒜汁生冬瓜汁生黑豇汁俱可解又食蟹牙根肉腫出者用牙皂角數條火上燒焦泡生地黃汁內半日取出再燒再泡三次後焙乾研末冷透敷之 ○解鷓鴣毒 有人好食鷓鴣後喉間生癰潰爛膿血不止百藥不效一名醫令先食老薑一斤陸續煎水服完然後下藥治之遂愈蓋此鳥好食半夏係因半夏毒發故以薑治之也 ○解犬馬肉毒 凡食犬馬肉腹脹口渴發熱亂言者用淡豆豉二兩杏仁三兩同蒸搗爛服之日服二三次或煮蘆茅根飲之俱效 又方杏仁二兩去皮蒸熟研爛滾水和勻取汁服服後必然吐瀉俟泄三次後再服冷醋一茶鍾或冷粥一碗即愈 又方葶薺皮七分紫背浮萍三分俱焙枯研末和勻開水調服有人食犬停滯久而肚腫腹脹後服此方腹響如雷大吐大泄而愈各種食積及腹脹如鼓者服此皆效 ○解馬肉毒 人乳飲之即解或照前解百毒方治之 ○解

食牛肉毒 苦瓜皮搗爛沖水服神效 又方牛腸中未化草色如青苔 即是煎汁調姜鹽醋服之即

解 ○解鵝鴨毒 糯米半斤淘水去米溫服一碗即愈 ○解雞肉毒地漿飲之可解 ○解野雞

毒 此症吐泄不止用生犀角末三分冷水調服即解 ○解鬱肉漏脯毒 凡各肉蜜器緊蓋過夜

者為鬱肉屋漏沾著者為漏脯皆有毒韭菜搗汁飲之即解 ○解諸肝毒 照前解百毒方地漿飲

之極效 ○解自死各物等毒 黃柏研末冷水調服一二錢即解或飲人乳一碗極效 ○解藥箭

射傷鳥獸肉毒 先以鹽水服之次以黑豆煮濃汁飲之即解 又方蘆茅根煮熱連湯食極效 又

方照前解百毒方治之更妙 ○解杏仁毒 杏仁生熟服之都不為害若火炒不透半生半熟者服

十數粒即死其屍眼閉古傳耳竅手足十指俱青色肚腹有青色塊每有食以詐人者人不易防最難

禁化惟急取吐吐出可解用杏樹皮煎湯飲之雖迷亂將死者皆可救或用麝香一分沖水服亦效

○解百菓毒 麝香一分煎湯服即解 又方白蠟頭煎湯服一二次即愈 ○解木瓜毒 舌大滿

口者是用好醋調黃糖紅糖亦可含口中吐出涎水數次即愈 ○解豆腐毒 蘿蔔煎湯飲之即解

○解中山洞生金生銀及銅鐵鉛錫等毒 照前解野葛方鴨血灌之即活 ○解飲田澗山溪水

毒 凡田澗山溪往往有蛇遺毒在內誤飲其水用水調雄黃多服數次自愈 ○解隔夜茶水毒

服雄黃或地漿均可解 ○諸毒須知 飯落水缸毒 飯落水缸日久生毛食之生疔難治最宜留

心檢點 ○久閉空房毒 凡屋宇久閉陰溼閉結不散或邪魅借以潛踪蛇虺惡獸從而盤踞宜大張

聲勢或先以火驚散 ○山洞園林毒 徧僻山河及年久園亭藤蘿花樹之下切勿飲食恐有蛇虺毒

蟲遊行其上遺毒於食物中為害不少 ○衣有暑毒 夏日汗透之衣向日中晒晾忽暴雨將至急為

收檢則烈日之毒即蘊於內如遇酷暑汗出時偶一衣之則暑以引暑立中其毒又夏秋曬晾冬衣必

須冷透收檢若未攤冷而收入箱篋將來穿着必受暑毒宜於臨穿先一時當風吹透再穿方免其害
○草藥毒 山有毒草入山採藥須細心揀淨○花瓶水毒 凡瓶內插過花枝其毒最甚不可誤飲
○隔夜茶水食物毒 凡夜間茶水食物未經蓋好必有蟲鼠遺毒切勿誤飲○雞毒 雞食蜈蚣百
蟲久則食之傷人故養生家雞老不食又夏不食雞又黃蜡白蜡妙難食之脹悶氣塞三日而死無可
救也凡服藥有蜡者前後十日忌食○鱸魚毒 白鱸黃鱸昂頭出水者食之必死○魚荊並食毒
昔一婦以魚湯米飯餉夫路過荊林荊花落於湯中食之遂死凡服藥有荊芥者前後數日忌食魚蝦
等物○蜜餅餅食毒 韶州有僧飽食生蜜還至半路遇賣鮮餅者賈食半斤至家而死 河豚藥並
食毒 凡服藥前後數日但不可食河豚食之有毒○蠶莩毒 蠶與莩菜同食腹生小蠶而死飲白
馬尿即化○游波蟲毒 凡食海蛤慎防游波蟲其殼骨相似惟以面上無光可辨若誤食之令人狂
走欲投水似有祟狀惟醋解之立愈○屋漏水毒 屋漏滴食物上食之有毒 獸雙尾及蟹獨脚羊
一角雞四足白鳥烏首烏雞白首白馬青蹄黑蹄肉落地不沾塵經宿尚煖曝炙不燥入水自動又皮
肉無異腸臟變改者如肝色青黯腎氣紫黑魚無腸膽牛肝孤葉鮓魚同鹿肉羊肉同鱸羊肝同生
椒多食猪肉得胡荽俱殺人 生魚同酥乳變諸蟲牛猪肉同食成寸白蟲猪羊肉以桑楮柴煮炙食
之亦成寸白蟲 柿子同蟹食羊肉食必致患痢腹痛或至不救 諸菓有異樣者根下必有毒蛇菓
未成核者食之發癰瘡並發寒熱菓落地有蟲緣過者食之生九漏有雙蒂者雙子者有沈水者均有
毒不可食

誤吞諸物

○誤吞鐵器

炭皮研末調粥二三碗食之炭末即裹鐵器由大便而出神效第一方也

○誤吞鐵針

鐵針卡喉見後

蠶豈煮蕪米同食針與菜從大便而出無蠶豈用鹽蛋亦效 又方

生癩蝦蟆眼珠一對冷水整吞下其針兩頭穿珠立刻吐出或從大便而出神效永戒食蝦蟆 又方

照前木炭皮研末和粥食之亦出 ○誤吞金銀銅鐵錫鉛 羊腰骨即羊前腿腰蓋骨也燒枯為末

米湯調服二三錢一日必出有人吞金環三日不下服此即出屢試神驗真百發百中之方也 又方

橄欖核燒枯研末開水調服自出神效 又方糯米糖食半斤亦效 又方韭菜一把滾水煮軟不切

斷淡食之少頃即吐出或從大便出 ○誤吞金薄 此物吞下或開喉管或開肺管遲則難救急取

羊血灌之最為神效 ○誤吞銅錢 多食葶藶自能消化其效無比 又方砂仁二兩煎湯服之亦

可化也或照上誤吞金銀等方治之亦效 ○諸骨卡喉 此症宜急治之若飲食難進餓倒胃氣亦

屬難救凡係獸骨及雞鴨等骨卡者用狗一隻倒吊取涎緩緩咽下其骨即化屢試神效以狗善食諸

骨故也 又方虎骨研末水調服亦佳 又方魚骨卡者用鸕鷀或鴨子倒掛垂取涎令患人仰卧時

時灌之其骨盡化 又方有人被魚骨橫梗胸中半月不化疼痛叫喚用橄欖核磨濃汁滾水吞服愈

真仙方也 又方灰麵四兩用涼水調稠敷兩膝頭上一時之久不知其骨化於何處真奇方也一切

禽獸魚骨皆治 又方食山查膏甚效或以山查煎濃汁服之亦可緣雞骨入山查膏即化故能治一

切骨梗也 又方貫眾焙枯研末每服一二錢神效或煎濃湯含口中緩緩嚥下亦效 又方人指甲

瓦上焙枯研末吹入極效 又方大蒜塞鼻不令透氣其骨自下 又方白糖含口中令其自消則骨

與糖俱化矣 又方魚骨卡者以本魚骨插耳尖縫內左卡插左右卡插右或藏髮中亦可神效 又

方家用苧麻根搗融為丸如桂圓大魚骨用魚湯下雞骨用雞湯下或用苧麻根搗汁服之亦效 又

方製燈心灰製法見藥物備要研極細吹入三四次神效 又方晶子又名蕎頭又名蕎白食之即下

又方魚膽飲冬天天取鰾魚膽懸掛陰乾遇有各骨卡喉即取一個大者半個亦可水煎溫酒服下少時

嘔吐骨即隨出如尚未吐再服溫酒以吐為度酒隨量飲若再未出再煎魚膽服之無不出者如各骨在腹內日久刺疼黃瘦者服之皆出草魚鱗魚膽俱可竹木卡喉者服之亦極效驗存心濟人者宜收藏以救急也又方鯉魚背脊鱗瓦上焙枯研末涼水服之其刺自跳出雖三四日不出者亦神效諸色魚鱗皆可用 又方凡卡某魚之骨即用某魚生眼珠以荳皮又名荳腐衣包好拚命吞之無不神效又方輕者用糯米糖為丸吞之即下 ○田螺卡喉 鴨一隻以水灌口少頃將鴨倒吊取涎與服即化 ○稻穀卡喉 急取鵝口涎灌之即下蓋鵝涎能化穀也鴨涎亦妙 又方紫花地丁細嚼吞下神效 又方食糯米糖亦下或煎前魚膽飲燈心炭各方亦效 ○竹葉卡喉 此物易開喉管遲則難救急取牛口涎以滾水對服即化此外夷秘傳也 ○竹木卡喉 老絲瓜又名水瓜線瓜燒灰每服三錢兌酒下 又方煎前各骨卡喉魚膽飲方服之極效 又方木卡喉者鐵斧磨水灌下即愈又用鐵鋸放炭火內燒紅淬入黃酒甜酒亦可服之人見不得 又方竹卡喉者製燈草炭製法見前諸骨卡喉方內開水送下即愈外用燈草炭放膏藥上貼喉痛處一夜即消 又方舊籬笆竹燒灰沖水服亦效 ○桃杏卡喉 狗頭煮湯服並搽頭頂即愈 ○諸荳卡喉 土狗蟲數個又名螻蛄搗爛敷喉外腫處其豆自下 ○鐵針卡喉用蠟蝦蟆數個將頭割去倒垂流血以碗接之得一盃許灌入喉中移時連針吐出針自軟曲永戒食蝦蟆 ○鐵鉤卡喉 照上鐵針卡喉方治之 又方有童子誤吞釣鉤將鉤線一扯鉤已穿入喉管片時頭如斗大後用佛珠大香珠亦妙穿入鉤線漸漸將珠挨進直至喉管輕輕何內一推其鉤已脫出在珠上緊緊執着珠繩抽出即安 ○頭髮卡喉 舊木梳燒枯為末沖酒服 又方亂髮燒灰水調一錢服髮灰須令燒盡若有生髮未經燒者食之害人 ○蜈蚣卡喉 急取生豬血飲之少頃以清油灌口中蜈蚣滾在血中即吐出後以雄黃末調水服以解其毒

烟酒醉傷

○水旱烟醉傷

胡黃連一錢煎水兑茶服即解

○洋烟醉傷

服鹽水即愈或飲醬油

糖水均效

○酒醉傷

凡酒醉死者急解醉人頭髮放新汲井水盆內將衣解開用苧腐遍身貼之

無苧腐用布泡井水貼之

少刻再換換至數次必醒惟寒天不宜

又方樟樹子四錢酒二盃煎滾候

溫灌之即醒或用樟樹木二兩煎水服亦可此仙方也屢試神驗

又方用鍋蓋上熱氣衝上之水半

盞灌下半時即醒如牙關緊閉用烏梅搽牙以磁調羹即匙子撬開灌下或打開一牙灌入切不可

身冷脈絕而不救也

又方麝香五釐放口中即醒

又方黑豈一升煮汁乘溫灌下三匙即醒

又

方白蘿蔔汁或熟尿灌之俱效

又方急用生蚌瀝水灌之

○酒醉心痛

白沙糖三四兩滾酒沖

服止痛神效

○酒醉小便不通

葛花三錢燈心七根酒煮服即通

○酒醉大小便不通雙頂十

四日單頂七日

生薑汁一茶鍾黃蜡一錢白礬五分共煎滾加燒酒一碗沖入飲之立能止痛再用

藤菜煎水燻前後陰大小便即愈百藥不效者此方用之神效忌食雞肉十日

○酒病

好飲之人

酒毒發作頭痛目眩或咽喉悶閉或下利清水日數十次形神痿頓若誤作陰寒自利妄用溫熱之劑

者非矣宜用

陳皮五錢甘草二錢川連三錢以上三味俱微妙為末再配松花粉一兩和勻每服二

錢早晚以開水送下一服兩日即愈

又方麥粉五錢即小粉炒黃研末白湯調服不過二三次即止

其效神驗

○酒龜

用麻雀一對又名瓦雀連毛搗爛煮酒服少時酒龜自出從此滴酒不飲亦

無恙也

○醉後嘔吐視物顛倒不正

甜瓜蒂藜蘆即藜蒿煎水服使再嘔吐而愈蓋醉傷嘔吐倒

膽視物倒顛服藥再吐以正其膽自安

○戒洋烟引

四物飲赤沙糖一觔生甘草一觔川貝母一

兩去心研細老薑四兩先用鴉片灰五錢熬膏再入前藥同熬去渣如一錢引者食藥五錢逐日減少

並以赤沙糖沖水代茶即斷如引極重者取已煎之汁再煎之十盃煎成一盃再服必效有人二十餘

年老引照此戒斷切勿輕視 又方南瓜藤取汁調紅糖黃糖亦可飲之神效 又方戒烟引之人平時多食南瓜免生別病否則烟雖戒斷二二年外仍有後患此西洋秘傳也南瓜北人呼為倭瓜 又方嬰粟殼八錢陳皮八分查炭一錢焦朮五分炮薑八分杜仲一錢甘草二錢炙耆三錢香附七分真臺黨一兩^{上以}藥每日一服服至月餘其引必斷已驗多人並無後患 又方每日用鱖魚一二條滴血沖酒輕者吃四五十條重者百餘條飲此酒大補氣血魚又可以膾食依此飲之不斷自斷見烟遠避 又方用甘草一味熬膏調入煙中吃食二三日即漸不欲吸此方最易既不費錢又不傷人斷後並無烟痢之疾引深者照法治之一月即斷

重訂驗方新編卷十三

人畜蛇蟲咬傷 凡各物咬傷日久不愈者人咬傷第二方甘草治之極效 ○人咬傷 凡被人咬傷

其牙最毒若有牙黃入肉則痛不可忍咬手指者指與手掌俱漸漸爛落年久難愈重則喪命無論日久初起雖至腫爛總宜用童便洗淨污血用淘米水洗亦可洗時雖至痛不省人事亦須忍住若護痛洗之不淨終難愈也用人糞敷之或用人中黃煎湯時洗較諸治法尤覺神妙不可嫌污穢而自誤也 又方照前洗淨之後用甘草自己嚼融厚敷乾則隨換日夜不斷三日必愈屢試奇驗並治各物咬傷亦效有人被鼠咬指數年不愈照此洗淨敷治三日收功真神方也 ○虎傷 凡被虎咬傷血必大出傷口立時潰爛痛不可忍急用猪血肉貼之隨貼隨化隨換速用地榆一斤為細末加入三七末三兩苦參末四兩和勻搽之隨濕隨搽血即止而痛即定蓋地榆涼血苦參止痛三七末止血合三者之長故奏效如神 又方樟樹嫩葉嚼食並令人將此葉嚼融敷之絕無後患 ○狼傷 乾薑末敷或胡椒末敷初覺腫痛少刻即腫消痛止三日而安 ○獾狗咬傷 此症最怕七日一發發時天本無

風病者但覺風大入帳頭躲避此非吉兆過三七之日無此畏風情形方為有救被咬時先有頭頂如有紅髮二三根趕急拔去最為緊要隨於無風處以凍茶洗淨汚血用杏仁搗融敷之內服韭菜汁一碗隔七日再服一碗四十九日共服七碗傷口上再用煮熟雞蛋白蓋上用艾絨在上燒數十次百日內忌鹽醋年內忌猪肉魚腥酒色終身忌食狗肉蠶蛹紅飯並方得保全否則十有九死此係葛仙妙方有癩犬一日咬傷三人止一人用此方得活親見有效切不可誤喫斑蝥毒藥以致小便腫痛難忍欲解斑蝥之毒查解救諸毒門本方治之

又方花盆內栽種之萬年青連根搗融絞汁灌之腹內

如有小犬變成血塊由大便而出

不論久近皆治一

萬年青其葉寬約一二寸高約八九寸老而且厚者

是又方從來瘋犬咬人不治必死投以打藥則小便痛不可忍百日內忌聞鑼炮聲又藥有斑蝥者

終身忌近芭蔴處否則即發令得一方服之能陰消又忌鑼炮芭蔴但半年內忌酒色並忌猪肉魚

腥鹽醋葱蒜蒜頭及一切發物方用點銅錫三錢剉碎明雄珠三錢打碎馬前子十個甘草三錢長燈

心一根用長流水煎服屢試神驗切不可疑而自誤也又方初被咬時即用砂酒壺兩個壺內盛好

燒酒盪滾去酒以壺按在傷口拔出汚黑血水滿則自落再以一壺去酒仍按傷口輪流提拔以盡為

度奇效無比或用癩蝦蟆即蟾蜍目紅腹無八字紋者勿用破開連腸雜敷傷口一日一換換過即埋

土內並令取癩蝦蟆煮食最為神妙仍照前忌食一切終身忌食蝦蟆又方龍牙齒又名馬鞭草和

葶藶煎水飲之神效之極又方照後毒蛇咬傷服烟油之法治之煙油味辣服之味不辣者即可治

緣犬因嗅蛇毒而瘋故可與蛇咬同治又方地骨皮即枸杞根搗爛熬酒服一二日當茶飲永無後

患○家犬咬傷胡椒研細末敷之雖傷重亦不過數日收功惟初敷必痛而且腫少刻痛止腫消

有人被犬咬傷血流不止用此藥隨敷隨流敷至第三次後血止數日而愈其效神驗又方甘草煎水

洗盡毒氣以熱牛糞敷之即時止痛

○馬咬傷

白煮豬肉一大片同飯本人自嚼貼患處立時止

痛即愈

又方打馬鞭子或攏頭索燒灰搽之即愈其毒入心者此二方亦效

○豬咬傷

生龜板

炙研末麻油調搽即愈藥店多以熬過龜板假充必不見效須必生的自炙為要

又方熟松香貼患

處數日亦愈

猿猴抓傷

金毛狗脊藥名焙研末搽之或麻油調搽即愈

○貓咬傷

用薄荷

煎水洗之或用川椒煎水洗愈

又方陳薑頭嚼爛敷之次日結痂神效

○鼠咬傷荔枝膏融敷即

愈或用斑貓燒灰加麝香少許口津調敷或用貓兒口水搽之

○蛇咬傷

煙積膏凡遇毒蛇咬傷

惡毒攻心半日必死急取竹木桿煙筒內煙油又名煙屎其色如醬用凍水洗出飲一二碗受毒重者

其味必甜而不辣以多飲為佳傷口痛甚者內有蛇牙多用煙油揉擦必出此為蛇咬第一仙方切不可疑而自誤道光八九年間粵西崇善縣地方有農人被毒蛇咬住繞纏不放急服煙油水數碗並以

煙油滴蛇口內蛇即鬆口落地而死其人無恙

又方急食臭蟲數個以免毒氣攻心外用人耳屎合

臭蟲搗融敷傷處極效

又方有人被蛇咬傷即刻昏死臂腫如股少頃遍身皮脹黃黑色一道人以

新汲水調香白芷末一斤灌之覺臍中聲响黃水從傷口流出良久便愈

又方用兩刀在水內相磨

取水飲之雖痛苦欲死可救此蛇醫化人所傳方也

又方五靈脂一兩雄黃五錢共為細末每服二

錢酒調服不飲酒者開水調服並敷傷處雖至垂危亦可救也

又方嫩黃荊葉生於野地生藥店有

買採取生者以七葉為佳搗汁敷之極效

○毒蛇纏身不脫

蛇纏人身愈纏愈緊最難解脫急令

其人在地遍身轉滾蛇自骨軟而放也神效

又方用草刺蛇尾上小眼亦極神驗

○蛇入七竅

割母豬尾血滴入即出

又方以胡椒末入蛇尾小眼內蛇自退出或用草刺蛇尾小眼亦妙

○蜈蚣咬傷

十指甲摩水敷立效如神萬無一失有人被蜈蚣咬傷其色碧綠腫大如碗痛不可忍有藥